

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmansdorff ad
Laitam Bonus Ordo Triplicis Formatæ Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Concio Secunda. Textus: Natus est vobis. Thema: Omnibus natus est
Christus in Solatium.

[urn:nbn:de:hbz:466:1-51763](#)



PRO NATALI DOMINI

CONCIO SECUNDA.

*Textus.**Natus est vobis, Lucæ cap. 2.**Thema.**Omni homini: etiam vilissimo, pauperrimo,
natus est Christus in solatium.**Exordium.**Textus S.
Script.**Patres
Ecclesiæ.**S. Maximus
Guericus
Abbas.*

Hod in bonum omnium hominum, etiam minimi, etiam vilissimi, natus nobis sit Christus: testatur nuncius de cœlo Angelus: *Natus est vobis Salvator: Annuncio vobis gaudium magnum, quod erit omni populo &c.* Luc. cap. 2. Isaías c. 9. confirmat: *Parvulus natus est nobis, & filius datus est nobis, & S. Apostolus ad Titum c. 3. Apparet humanitas, & benignitas Salvatoris nostri Dei non ex operibus justitiae, quæ fecimus nos, sed secundum misericordiam suam, salvos nos fecit, &c.* Audiamus & PP. Propter nos homines, & propter nostram salutem descendit de cœlis: & incarnatus est: Orat. Ecclesia: Desuper Guericus Abbas: *Puer natus est nobis; non sibi, non Angelis, sibi inquam natus non est, ut scilicet hac nativitate, esse, aut melius esse inciperet, &c.* Angelis natus non est, quia Angelus ille, qui in veritate stabat, reparatione non indigebat, nec illius, qui ceciderat, casus reparabilis erat, &c. Hinc inquit S. Maximus: hom. 1. de Nativ. *In Nativitate ejus, nostra omnium habet vitam natalem:* Iterum Guericus Abbas: serm. 2. de Nativ. *Verè tu misericors puer natus es nobis, non tibi: lucra nostra, non augmenta tua noscens, de nobis quæsiisti, qui ad hoc solum nasci dignatus es, ut nos minoratione tui proveheres.*

Nobis

*N*bis ergo puer natus est, nobis filius Dei datus est, meus es, ô bone Iesu,
& unde quaque meus es, mihi natus à matre, mihi donatus à Patre. S. Thomas à
 Exclamat S. Thomas à Villa Nov. Conc. 4, de Nativ. uti probabo. Villanov.

CONCEPTUS I.

Extra urbem in stabulo natus est Christus: Ita Luc. 2. *Invenie-*
tis eum possum in praesepio, quia non erat ei locus in diversorio, &c.
 Duplex oritur quæstio? cur Christus extra urbem nasci voluit: &
 cujus erat illud stabulum, in quo natus est? Ad primam propositio-
 nem respondeo, & me secuti moralitate explico; civitatis fores pa-
 tent quidem omni hora nobilibus; non ita pauperibus; ac exiguis
 rusticis; item in civitatibus qui nascuntur, morantur, cives suos
 civitas nuncupat, & numerat: Non ergo nascitur in civitate, ne jure
 suo Bethlehemita, Christum suum dicent; non nascitur in civitate;
 nè nobilibus tantum aditus ad Christum pateret. Nascitur ergo
 extra civitatem in stabulo, quod nullius erat; in fundo communis:
 Ut noscamus Christum communem, & natum esse omnibus; in sta-
 bulo, ubi & vilissimo licet intrare, noscamus etiam vilissimis homi-
 nibus patere accessum ad Jesum: qui ut pecora vivunt irrationali-
 lia, & hos non spernere Christum, sed illos ad præsepè suum to-
 lerare, fovere &c. Omnibus natus est.

CONCEPTUS II.

David dum Arcam Domini è domo Abinadab in civitatem regi-
 am transfert, ad hanc translationem omnes tribus & populos to-
 tius Regni sui convocat, & citat. 1. Paralip. cap. 13. Cur David
 omnes homines ad translationem Arcæ convocat? utique cum au-
 licis suis, ac Sacerdotibus, sat honorifice Arcam transportasset,
 cur etiam rusticos, & infimæ sortis homines, vult adesse? Abulen-
 sis responderet: *ut crederent, quod ad omnes Arca Dei pertineat.*
 Si solum Rex David, & magni Proceres regni adfuerint, pau-
 peres, viles homines, dubitare potuissent, num ad ipsos Arca Dei
 pertineat; num & ipsi in Arca Dei partem habeant: ut sciant ergo
 Arcam Dei ad omnes, etiam vilissimos, pertinere; omnes homi-
 nes,

nes, vilissimos quoque, David ad translationem convocat. Arca novi testamenti est Christus JESUS, omnibus hominibus apparuit; Inquit S. Paulus, & Angelus, *omni populo* communiciat; ut discamus JESUM ad omnes homines pertinere, & què esse pauperum, ac deditum, Regum, ac Rusticorum. Omnibus natus est,

CONCEPTUS III.

Ad Cœnam magnam Lucæ 14. non tam divites, & magni Domini, quām etiam vilissimi mendici vocati sunt: *Exi citò in plateas & vicos civitatis, & pauperes ac debiles, & cæcos & claudos introduchuc.* Quid hoc, quod & mendici ad Cœnam magnam vocentur? Cœna magna est JESUS incarnatus, ad hanc cœnam, non tam divites, & potentes, etiam infimi homines, & pauperes, vocantur, ut noscas, mi Christiane, JESUM incarnatum non spectare ad Reges, ad divites, & potentes tantum; etiam cuivis obvio mendico JESUS est totus & proprius.

CONCEPTUS IV.

Exodi cap. 30. mandat DEUS, Annum 20. si homo accesserit, is indistinctè pro gratia vitæ concessæ Domino Deo medium sicutum offerat, *Dives non addet ad medium sicuti, pauper nihil minut.* Cur vult Deus tam pauperem quām divitem æquale pretium persolvere? Respondeo: ex æquali pretio, æqualis merces judicatur; æquale pratum, medium sicuti pro vita sua solvit tam dives, quām pauper; noscamus, omnes homines coram Deo æquales esse, & què Deum æstimare pauperem quām divitem, JESUM natum, pro medio sicuto æquè totum esse pauperis quām divitis; omni hominibus est Christus. Patet hoc ex cap. 4. Marci,

CONCEPTUS V.

S. Marcus narrat magnam turbam concurrisse ad Jesum, ut audiunt illum. *Congregata est ad eum turba multa, ita ut navis ascendens federet in nave, & omnis turba circa mare super terram erat.*

erat. Navim pro Cathedra C H R I S T U S elegit, cur hoc? Cur non in terra stans super monticulum, populo concionatus est? Respondeo: stetisset J E S U S super monticulum in terra, populus, & turma cinxisset J E S U M, hoc est, circa circum JESUM itetisset; in medio stans JESUS necessariò aliquibus ex auditoribus, iis nempe, qui ante ipsum stabant, faciem suam, iis autem, qui retrò & post tergum stabant, dorsum vertisset, & monstrasset; in policia mundi alicui faciem monstrare, idem est ac magni æstimare; dorsum vero ostendere, est vili pendere; non ergo monticulum sed navim condescendit C H R I S T U S populo concionaturus, in navi sedet, & omnis populus stetit in littore, sive optimus J E S U S omnibus faciem suam, nulli dorsum monstrat: ut videamus, D E U M Salvatorem nostrum, CHRISTUM JESUM, non plus divitem quam pauperem, sed omnes æquè æstimare; æquè aspicere, æquè fovere. Omnibus natus est.

CONCEPTUS VI.

Salvator noster, qui in communī stabulo natus est, tandem Jerosolymis crucifixus est. Cur rectè Jerosolymis dicunt docti, Jerosolymam esse medium totius mundi. Desuper me moralitate sequenti explicō: Ponamus casum, in media via duorum fundorum crescit arbor; ex hac arbore fructus, sunt fructus communes; spectant tam ad eum, qui ad dexteram, quam qui ad levam manum, cum suo fundo huic arbori adjacet: in medio mundi, Jerosolymæ, mortuus est J E S U S, ut noſcamus fructum arboris Crucis, qui J E S U S est, esse omnibus hominibus communem, tam eorum, qui ad levam, quam qui ad dexteram, tam à fronte, quam à tergo in quatuor mundi partibus morantur, & habitant.

O Christiane, si nunc naturaliter homo rem suam amat, *Epilogus.*
Pater pauper, pauperes suos filios magis amat, quam alterius
liberos licet ditissimos, licet pulcherrimos, rusticus magis exi-
guam

quam suam casam , quam regale Principis palatum diligat.
O ecce mi homo etiam pauperrime , vilissime , J E S U S æquè
tuus est , ac est Principis potentissimi : Ergo J E S U M tu-
um ama , dilige , amplectere pusionem ulnis , osculare cen-
ties. Indole , quod tuum JESUM non semper dilexeris ,
cum proposito , imposterum omnibus viribus
tuum JESUM amare , diligere , millies
potius mori , quam offendere.



PRO